



# SLUŽBENE NOVINE

OPĆINE MAGLAJ

**BROJ**

**5/13**

**Maglaj, 13.9.2013.**

„Službene novine Općine Maglaj“  
izdaje: Služba Općinskog načelnika i Općinskog vijeća  
Općina Maglaj, Viteška bb, Maglaj  
Za izdavača : JASMIN DEVEDŽIĆ  
Tel.: 032/609-550; Fax: 032/609-551; E-mail: [vijece@maglaj.ba](mailto:vijece@maglaj.ba)

## AKTI OPĆINSKOG VIJEĆA

Na osnovu člana 18. alineja 6 i 19. Statuta Općine Maglaj («Službene novine Općine Maglaj», broj: 8/07, 3/08 i 6/08) a u vezi sa članom 25. Zakona o građevinskom zemljištu F BiH («Službene novine FBiH» broj: 25/03 i 16/04), po ponudi za kupovinu gradskog građevinskog zemljišta podnesenoj od strane Šečić rođ. Obralić (Ibrišim) Enide iz Maglaja, Općinsko vijeće Općine Maglaj na sjednici održanoj dana 1.08.2013.godine, d o n o s i

### ODLUKU

1. Ne prihvata se od strane Šečić rođ. Obralić (Ibrišim) Enide iz Maglaja, dana ponuda kojom Općini Maglaj nudi prvenstveno pravo preuzimanja neizgrađenog gradskog građevinskog zemljišta označenog sa:

- k.č.br. 459/9 «Polje» njiva površine 966 m<sup>2</sup>, upisana u zk.ul.br. 5546 k.o. SP\_Maglaj, Društvena svojina pravo korištenja Šečić rođ. Obralić (Ibrišim) Enida iz Maglaja sa 1/1 po zemljišnoj knjizi a po katastru zemljišta ista je označena sa k.č.br. 552/1 «Polje» oranica/njiva I klase u istoj površini upisana u Pl.br. 1233 k.o. Maglaj, posjednik Šečić (Ibrišim) Enida rođ. Obralić iz Maglaja sa 1/1.

2. Dozvoljava se Šečić rođ. Obralić (Ibrišim) Enidi iz Maglaja prijenos naprijed navedenog prava korištenja na treća lica, ali ne po nižoj cijeni od ponuđene Općini Maglaj u iznosu od 70,00 KM po 1 m<sup>2</sup>, što ukupno iznosi 67.620,00 KM.

Broj:02-05-1-1372/13  
Maglaj, 1.08.2013.godine

**PREDSJEDAVAJUĆI OV,  
Marko Zelić**

---

Na osnovu član a 18. Statuta Općine Maglaj («Službene novine Općine Maglaj», broj: 8/07, 3/08 i 6/08), Općinsko vijeće Maglaj na sjednici održanoj dana 1.08.2013.godine, donosi

### ODLUKU

#### **o davanju saglasnosti Udruženju građana civilnih žrtava rata općine Maglaj**

##### **Član 1.**

Daje se saglasnost Udruženju građana civilnih žrtava rata općine Maglaj, da na dijelu zemljišta označenog sa k.č.br. 1430/1 upisanog u posjedovni list broj 1814/16 k.o. Maglaj, posjednik Općina Maglaj u ulici Sulejmana Omerovića Cara, izgradi Spomen obilježje Civilnim žrtvama rata «92-95», na lokaciji već postojećeg spomen obilježja.

##### **Član 2.**

Predmetna saglasnost će služiti kao dokaz o pravu građenja u postupku izdavanja odobrenja za građenje spomen obilježja.

##### **Član 3.**

Odluka stupa na snagu danom donošenja i ima se objaviti u «Službenim novinama Općine Maglaj».

Broj: 02-05-1-1373/13  
Maglaj, 1.08.2013.godine

**PREDSJEDAVAJUĆI OV,  
Marko Zelić**

---

## AKTI OPĆINSKOG NAČELNIKA

Na osnovu člana 42. Statuta Općine Maglaj («Službene novine Općine Maglaj», broj: 8/07,3/08 i 6/08) i akta Upravnog odbora JU «Dom zdravlja» Maglaj br. 11/UO-752/13 od 23.08.2013.godine, Općinski načelnik donosi

### ODLUKU

#### o davanju saglasnosti na imenovanje direktora JU „Dom zdravlja“ Maglaj

##### Član 1.

DAJE SE saglasnost Upravnom odboru JU «Dom zdravlja» Maglaj za imenovanje Drnda-Čičeklić dr Emire, specijalista ginekologije i akušerstva na mjesto direktora JU «Dom zdravlja» Maglaj za naredni četvorogodišnji period.

##### Član 2.

Ova Odluka se ima objaviti u «Službenim novinama Općine Maglaj».

### Obrazloženje

Upravi odbor JU «Dom zdravlja» Maglaj je u listu «Dnevni avaz» od 8.jula 2013.godine objavio Konkurs za izbor i imenovanje direktora JU «Dom zdravlja» Maglaj.

Na raspisani konkurs blagovremeno su stigle dvije kovertirane prijave.

Upravni odbor JU «Dom zdravlja» Maglaj je razmatrajući prispjele prijave, obavio intervju sa kandidatima i blagu prednost dao kandidatu Drnda-Čičeklić dr Emiri, spec. ginekologije i akušerstva, te je jednoglasno predložio za imenovanje na poziciju direktora za naredni mandatski period.

U vezi s tim daje se saglasnost za imenovanje gospođe Drnda-Čičeklić dr Emiri, spec. ginekologije i akušerstva kako je to i navedeno u ovoj Odluci.

Broj: 01-49-1543/13  
Maglaj, 2.09.2013.godine

**OPĆINSKI NAČELNIK,**  
**Mehmed Mustabašić, prof.**

Na temelju člana 65. i 66. Zakona o pravima, obavezama i odgovornostima pacijenata («Službene novine F BiH», broj: 40/10) člana 14. Zakona o zdravstvenoj zaštiti («Službene novine F BiH», broj: 46/10) člana 5. Odluke Općinskog vijeća o osnivanju Zdravstvenog savjeta na nivou općine Maglaj broj: 02-05-1-2405/12 od 27.12.2012.godine, člana 42. Statuta Općine Maglaj («Službene novine Općine Maglaj», broj: 8/07, 3/08 i 6/08), nakon provedenog Javnog poziva za prikupljanje prijave za imenovanje Zdravstvenog savjeta broj: 01-49-608/13 od 3.4.2013.godine, Općinski načelnik Općine Maglaj, donosi

### RJEŠENJE

#### o imenovanju Zdravstvenog savjeta Općine Maglaj

**I -** Imenuje se Zdravstveni savjet Općine Maglaj u slijedećem sastavu;

1. Vehabović Dr Elvir, predsjednik - predstavnik Sindikata ljekara
2. Hasanić Jasminka, član - predstavnik Općine Maglaj
3. Herceg Amel, član – predstavnik Udruženja građana Crveni križ Maglaj
4. Mahmutagić Nafa, član – predstavnik JU «Dom zdravlja» Maglaj
5. Kusr Eldis, član - predstavnik Udruženja mladih
6. Mulalić Safet, član – predstavnik Udruženja penzionera
7. Hasić Eldina, član - predstavnik nezaposlenih sa Biroa rada

Ostali članovi će biti popunjeni nakon konstituisanja Zdravstvenog savjeta i na prijedlog imenovanog Zdravstvenog savjeta.

**II -** Zdravstveni savjet obavlja slijedeće poslove:

1. predlaže i evaluira sprovođenje zdravstvene zaštite na području općine Maglaj,
2. daje mišljenje na planove i programe zdravstvene zaštite na području općine Maglaj, te predlaže mjere za poboljšanje dostupnosti i kvaliteta zdravstvene zaštite na području općine,
3. prati povrede pojedinačnih prava pacijenata na području općine Maglaj,

4. predlaže preduzimanje mjera za zaštitu i unapređenje prava pacijenata na području općine Maglaj,

5. prati primjenu propisa na području općine Maglaj koji se odnose na zaštitu prava i interesa pacijenata,

6. obavještava zdravstveni savjet u Kantonalnom Ministarstvu zdravstva o slučajevima težih povreda prava mogu ugroziti živote ili zdravlje pacijenata,

7. obavještava javnost o povredama prava pacijenata, podnosi Općinskom vijeću godišnji izvještaj o svom radu, i obavlja i druge poslove i zadatke u skladu sa Zakonom o pravima, obavezama i odgovornostima pacijenata i Zakona o zdravstvenoj zaštiti.

**III** - Sredstva potrebna za rad Zdravstvenog savjeta obezbjeđuju se u Budžetu Općine Maglaj na temelju godišnjeg programa rada kojeg donosi Zdravstveni savjet uz suglasnost Općine Maglaj.

**IV** - Mandat članova Zdravstvenog savjeta traje 4 godine od dana imenovanja

**V** – Naknada za predsjednika i članove Zdravstvenog savjeta isplaćivat će se u visini naknade koju ostvaruju predsjednici i članovi stalnih radnih tijela Općinskog vijeća.

**VI** – Ovo Rješenje stupa na snagu osmog dana po objavljivanju u «Službenim novinama Općine Maglaj.

Broj: 01-49-1557/13  
Maglaj, 4.09.2013.godine

**OPĆINSKI NAČELNIK,  
Mehmed Mustabašić,prof**

---

## SADRŽAJ

### AKTI OPĆINSKOG VIJEĆA

1. ODLUKA o neprihvatnju ponude od strane Šečić rođ. Obralić (Ibrišim) Enide iz Maglaja, kojom Općini Maglaj nudi prvenstveno pravo preuzimanja neizgrađenog gradskog građevinskog zemljišta ..... 178
2. ODLUKA o davanju saglasnosti Udruženju građana civilnih žrtava rata općine Maglaj ..... 178

### AKTI OPĆINSKOG NAČELNIKA

3. ODLUKA o davanju saglasnosti na imenovanje direktora JU „Dom zdravlja“ Maglaj ..... 179
4. RJEŠENJE o imenovanju Zdravstvenog savjeta Općine Maglaj ..... 179